

ՀԱՅԱՍՏԱՆ-ԱԴՐԲԵՋԱՆ ՀԱՇՏՈՒԹԻՒՆԸ ՉԿԱՅԱՑԱԻ

-Մեզ պալոլիս-էքսպրես- շաբա-
թաբերթում հրապարակուած հա-
ղորդման համաձայն Մոսկուայում
Հայաստանի եւ Ադրբեջանի ներ-
կայացուցիչները փորձել են պայ-
մանաւորուածութեան գալ: -Մեմո-
րիալ- ընկերութեան եւ մոսկով-
եան Հելսինկիի խմբի միջնորդու-
թեամբ կազմուել է մի դիմում, որը
համաձայնել են ստորագրել ա-
դրբեջանցիների Մոսկովեան Մի-
ութեան համանախագահ Ֆուադ
Իսկենդերովը եւ Հայաստանի
ներկայացուցիչը, որի ազգանունը
Իսկենդերովը խնդրել է շիշատա-
կել (պայմանաւորուող կողմերը
գործել են բացառապէս սեփական
նախաձեռնութեամբ): Դիմումի
մէջ ասուած է. -Երկու հանրապե-
տութիւնների խորհրդարանները
դիմում են գինուած անձանց ու
խմբաւորումներին կոչ անելով
կտրականապէս ձեռնպահ մնալ
զէնքի գործադրումից, միութենա-
կան կառավարութիւնը իր ենթա-
կայութեան տակ գտնուող զօրքե-
րին հրաման է արձակում կրակն
անյապաղ դադարեցնելու մասին:
Միլիցիայի Յատուկ Նշանակու-
թեան Հանրապետական Ջոկատ-
ներին համանման հրաման պէտք

է տան Հայաստանի ու Ադրբե-
ջանի կառավարութիւնները:

Մենք ընդունում ենք գինուած
խմբաւորումները գինաթափելու
մասին նախագահ Գորբաչովի հը-
րամանագրի իրաւական հիմնա-
ւորուածութիւնը: Միեւնոյն ժամա-
նակ մենք գիտենք, որ այդ հրա-
մանագրի կատարումը ուղեկցում
է մարդկային զոհերով: Մենք հա-
մոզուած ենք, որ գինաթափումը
կարող է կատարուել բնակչու-
թեան ուժերով՝ Ադրբեջանի եւ
Հայաստանի խորհրդարանների
եւ առաջատար քաղաքական
շարժումների կոչով:

Երկու հանրապետութիւնների
քաղաքացիներին անհրաժեշտ է
սեփական անվտանգութեան կա-
յուն եւ համոզիչ երաշխիքներ:-

-Մեմորիալ-ը եւ Հելսինկիի
խումբը պէտք է հաստատէին դի-
մումը: Իսկենդերովը, իր ասելով,
համաձայնել է դիմումի բովանդա-
կութեանը: Հայաստանի ներկա-
յացուցիչը մեկնել է Երեւան խոր-
հրդակցելու: Վերադառնալուց յե-
տոյ նա կտրականապէս հրաժար-
ւել է ստորագրել դիմումը: Հաշ-
տութիւնը չի կայացել: